

錢南園先生遺集

錢南園先生遺集卷二

昆明 錢澧 東注

西行口號

邢臺路轉背初陽日日西行引轡長一雪齊封韓趙地
萬山交送濁清漳戍樓軍柝經寒斷村舍人煙向曉黃
欲弔古來爭戰處題詩先慮鬼雄傷

過高平

四十萬人長平外趙中餘卒復有幾東三百里及邯鄲
直如入無人地巨銳頭於此豈不知搢脇乃能遙制之
我知當日括也虜所稱坑數萬誇辭君不見頻陽起復

將王翦山東半已歸席卷六十萬眾云空國持以較茲
殊可辨六國偕亡日有兵茫茫大地無堅城太白行天
適蝕昴衛先生者尸其名

天井關呈望峯

南登太行山晨至天井關不知長劍倚何處澹磴殘冰
函斷泉衝風如刀劇人百霧日一餅蒼蒼然下指嵩邨
近河沁空濛澹蕩惟寒煙憶昔驅車衛州過仰此嶄巖
高極天心欲奮步凌絕頂縱眸顧視窮中原茲行已謂
天假便誰識夙願酬還難馬蹏得得下前坂他時再造
應無緣竊幸道側聞好語民情愛戴清長官指日冬殘

及春令靈雨淨與滌孱顏省耕無憚數四出高巖巨壁
窮攀援意中得大不遺細摹堆眾皴南山篇指形類象
極變怪緘題亟使飛寄瀕令我披讀如目在斷絕悒悒
幽情牽敝裘亂點白雪落何翻翻握鞭欲去重畱連怪
爾北上苦寒者壯心摧折羊腸閒

龍門作寄望峯

龍門蔽洛崢兩山清伊北走經其閒一年佳賞惟有雪
盡補缺壤蘇枯頑嗟此天生奇妙地徧遭剝斲丁時艱
禍首胡靈繼周罍造寺日役千倅般窮極土木意不已
山靈無術免憂患我昨南歸值晴霽周視不禁凋朱顏

賓陽洞古尙因勢幽暗故是鬼所竄奪取爲佛雕巨像
青螺簇腦千髻鬢露胷袒右盡趺坐捧以么膺鬚頭蠻
門側力士倚壁立鱗甲動肘修蛇環肩差足比尙不一
悉抹金碧填朱殷最後黝黑視不審高處似是垂花鬢
嗟此地乃作俑始餘遂踵事日無間有如道左一家宅
巨壁鑿空成通闌側倚傍附亦不論舉椎持鑿絕或攀
一龕工就費幾許逕見連車傾府園就中豈但司農積
恐兼司寇之罰鍰氓隸何識亦奔走金銀菽帛輸無慳
紛紛似中風狂疾甚有婦女捐釵鐙高簇蜂房下狗竇
徧列對岸窮前灣自知奉佛以祈福豪毛肯恤惸與鰥

密文酷網連連起無辜十九填狴犴當時豈無有識者
目擊徒有悲淚潛竊議語未及脫口已見流血戮謗訕
豈料畱遺到今日狼藉只便蝨陰姦諸龕頗有丐者或云盜賊夜亦棲止
像設摧拆莓苔雜腥腐熏灼煙煤黧媼皇補天尙有石
誰乞補此初質還又無壯士手巨刃盡情爲我纖悉刪
懿哉滕六善所職玉花翦刻一律頒回旋少復乘興二
抵隙投閒力尤嫻遂使山靈霍然起亭亭瑤立忘夙癢
我沿濯龍池再往寒磴滑澁披凍菅鴻雁低下時畱爪
高坐惜尾餘白鵬疑冰瓦狐隱不渡溪罅膾有撲胡跽
瑤林玉樹各挺挺未惜埋死幽叢蘭昔者思公守洛日

坦懷待士無防閑畱此縱賞屬歐謝酒車載妓來班班
我行無侶唱無和一形一影何孤孱有兄遙阻太行北
極望不見天井關荒店凍杯只獨酌燒殘燭淚花凋爛
撥灰炙硯送長夜欹傾紙上千痕斑重緘欲寄待明發
倒身被底如弓彎清伊對戶亦識我寒聲丙夜逾琮潺

過魯山

魯山縣城北尙有彈琴臺人代古今謝天風朝暮來餘
韻不可接我心殊未開何能竝長臥近在青條隈

南陽道中家力堂呼一露車竝載疾行因作此詩
有棧之車晨載途日欲出地煙模糊觸輪墨蹠冰頑犄

一駟一駿羸且驚登之恻恻百憂俱御乃欲速鞭而驅
驅之遇坎乃下扶吾兄意色略不殊笑謂此豈遂足虞
自從陟地門懸弧天地中身盤中珠九龍江瘴如炊鑪
地厭行人肝腦塗生還得騎生馬駒逾江河暨燕之都
喀爾喀鳥里雅蘇無冬無夏衣羊狐沒罽積雪凍未枯
窺覘數數來鳶鳥此行還鄉實不圖更知他日胡底乎
儻從汝意東游吳風狂浪大舟楫孤舟中人血蛟龍須
據鞍之臀久無膚移置車上亦何輸知處身如櫬株拘
相與竝載何驚吁我聞兄言將兄鬢大塊勞生有是夫
有如我者信非夫挽車平地猶趑趄

赴隨州

仲冬凜凜宵何長欲鳴不鳴雞凍僵起驅羸馬不識路
募人爲導心悵惶塞山苦霧星斗暗一鐙孤照青無光
雖無伏鬼與立魅填坑墜壑誰周防蹭蹬覺及二十里
漸有來人嗽道傍或負或擔步或坐或持兒女扶爺孃
東南回首覲出日晨風吹破單衣裳心怪不敢前致訊
後來益眾辭何傷江湖本自有家業男躬耕稼妻蠶桑
不關官吏有驅迫不關水旱爲災殃百年生息人漸滿
土毛不復供填腸聞潮襄鄖上沔漢廣谷呀豁山昂藏
編蓬作居地無稅高下隨力堪墾荒疏引水泉拒雀鼠

一畝數斛黃赤梁人生所願適樂土終然惜汝輕去鄉
祖宗墳墓寄誰所誰供麥飯酬椒漿況彼水土旣未習
疾病醫藥求誰良誰爲相保誰相愛相恤寇盜賙婚喪
我家舊宅滇海上入室長物唯堵牆今年天罰降淫潦
舉室中露無贏糧萬里傳書至京邸竊祿更敢隨朝行
曰歸曰歸道迴阻恨無雙翼凌風翔雲色漸低碎雪落
饑火內發燒難當嗟汝昨夕止何所蓐食豈辦茶與湯
至此時腹豈猶果豈皆血氣如我強觀汝菜色無老少
霑襟血淚傾淋浪且得無作溝中瘠後日生事堪徐商
此邦刺史吾故舊負才敏異心慨慷嘗欲廣廈奉天下

非獨大被周洛陽今年到官未百日善政已見數施張
昨過厲山終禾畝今經澆水成輿梁相見不遠應道意
何術使汝人悅康吁嗟乎九州老死無來往含哺擊壤
如炎黃

蔣溝用壁閒詩韻

漳水冬猶濁黎城晚更孤凍煙迷短景積雪漫荒途衣
薄煩人問筋羸仗酒扶向來宵寐少不恨樹蹠烏

古戍遙傳柝空房亦閉關濟風窗隙細宿火地鑪閒欲
問飛狐嶺因之抱犢山那能狎鄉思催促鬢毛斑

自隨州至江陵獨行凡四日所至數吟以遣疲憊

其得八首

鄉愁言不盡卒卒去隨州重與故人別相將清淚流關
山憑馬鞅風雪有羊裘記取臨岐貌輸君竝黑頭

澤國山多處寒宵月晦時鐙昏如燐碧狐走與人隨湍
足逢殘淖鉤衣突朽枝故鄉天一角到日亦何遲

析盡江城

應城縣

啟客來山路長鴉翎刷殘霧馬首戴餘

霜溯往嗟何及懷忠耿不怠觚稜高切漢未沒大洪坊
江流漫無數屢渡不知名馬倦登船怯鷗閒避櫂輕枯
楊風意苦廢寺水痕明此宿知誰託飄蕭暮笛聲

天門

縣

望不到寒日易爲晡破屋蓋茅竹主人唯婦姑

肯容畱一飯曲與說前途惜絕飢疲馬風鐙自翦芻
野狖低寒港江波漾曉雲一林檣影集數里市聲聞膾
芥魚拋枕羹菰鼈腿裙殊鄉風味極杯酒借微醺

遙接荆南境潛江縣路向西緣邨家有竹帶郭水連隄
寒渚一孤雁煙籬五母雞漁航挂片席流蕩不愁迷
江陵城上望江外望公安萬古滔天水孤城一彈丸風
連巫峽動煙入洞庭寬去住嗟今昔斜陽更倚闌

還家三首

代馬不忘北越禽欣南樓游子乍還鄉怳怳意翻迷入
門見父母惜我顏黑黧長跪進致辭行李實慘悽爲言

不足憂吾腸便藿藜諸弟出營食顧見蓬頭妻弟婦拜

且卻小妹嬌還唬阿長

斐氏子父母夙傭余家

將米歸黑鹽手竝

齋喜傳豆角熟不但食黃齋堂堂七尺軀壯齒生久齋

飢寒上果親不如跪乳羝

春雲亂漠漠春草碧萋萋我始至前邨竹根鳴午雞是

維二月初萬生咸已齊人情同念舊別久見未迷走視

太史公簪筆入金閨豈聞去年水飄蕩家無棲辛苦畱

性命還歸理故蹊雖無完廬室幸庇舊鋤犁聞此痛五

中熱淚千行唬骨肉幾不全功名何足稽成當狐首耶

生當龜曳泥

錢南園遺集

卷二詩

黃昏忽細雨孤鐙照淒迷叩門欣弟歸赤腳踏水泥始
知仲已遠或到武昌西叔壯頗復銳季長與我齊狂喜
出賒酒夜久滿瓶攜噉我問生事杯進不容稽人生固
有窮但恐制行低齊人饗富貴羞死妾與妻

贈楊二丈清渠

吾黨詩人楊清渠得力自讀活人書一年三百六十日
日日出門無甯居曉鐘欲動雞鳴初爭先踵趾錯其廬
病之千態及萬變呻吟號叫求拔除滿願生死而肉骨
但信其手發無虛我問何挾造此歟仲景東垣法故餘
望聞問切誰不如如十用九致齟齬笑謂無躁姑徐徐

養龍龍歸虎虎媚以人治人人卽余形包骸裹各冠裾
天機滿眼明相於己心柴柵先剔疏擢形葭葦要耘耨
自然對面鏡徹膽豈但出門轍合車豈不在書豈在書
卽爲詩法豈異諸大音元氣塞扶輿本之自然來與與
感人動物風吸噓雕音飾色希名譽此道久矣其淪胥
我聞語竟心神舒若膠髮逢銀篋梳耽詩廿載情紛拏
漢制唐造獵且漁喜怒四三三四狙有時裂冠翻衣柳
煎腸炒肚不自紓到今一病還鄉閭丈人良藥爲之祛
更因詩貽筌在魚偕來之眾散無餘從丈更讀十年書

李大可丈召飲因示近作

因詩致窮窮更工古人但說酸梅翁豈知李丈萬金盡
十倍朱漫坪屠龍當年金轡纏白馬雕弓赤羽燕臺下
掉頭不取羽林郎還向漳濱弔古瓦竭來縮手萬夫內
長街兀坐和藥賣身外浮名好是閒腹中書籍幽時曬
一尊要我來談詩談詩不足兼談醫活人比歲凡多少
醉心滿卷冰雪辭藐姑射之山綽約神人姿人閒煙火
久不食笑云頗復乏朝炊昂昂阿戎精力盛也從鋒鏑
收身命賢嗣聖城以武舉從緇砥豪日作無聲詩突過
將軍吟競病

畱宿李氏園小飲

二麥將枯老卻春南郊徧訪葛天民九年不其尊前飲
再宿猶疑夢裏身門接山光來異縣牆分花氣與芳鄰
蓬瀛故事休夸說看取風前雨鬢新

漲落

漲落遺墟有舊痕葺廬仍面數家村日風不蔽聊環堵
水火相求任叩門失馬安知禍非福移山何望子生孫
北鄰遺叟聞之喜拉坐春苔倒一尊

劉希韓諸人同步觀耕臺飲陳分山書堂

故國還瞻十丈臺故人勤績九年杯坵皆成字蒸新麥
望卽生津飮小梅訪舊絕欣爲鬼少題詩眾覺有神來

金匱要略卷二
燭殘更愛流天月照故將軍犯夜回

病起同李大西郊閒步

行藥城西步履長連山巘巘海茫茫溪溝孤鷺窺清水
高樹羣鴉噪夕陽老圃瓜稀憐不摘殘僧芋熟許分嘗
何堪吹鬢秋風緊踏破新煙過芰塘

偶題

貪賴天年養不才闔門住傍野塘隈銚鉞治解生初給
問舍求田志久灰壁鼠時窺空甕下沙鷗故近短牆來
閒居一賦無心續人道斑衣似老萊

午睡

午睡瞢騰夢不分起行屋角又斜曛官壕馬曳城邊練
村舍牛屯樹底雲當戶已叨諸弟力操春竝覺寡妻勤
殘軀懶慢荒文史那遣鞭鸞舊侶聞

高峽口號

隨水隨山錯結廬城中無此好家居渚閒鷗合雌雄片
隧斲牛逢子母初桺市估帆春落早松林僧磬午聞徐
何年分員餘田地來伴枯樵作老漁

過李氏飲

小築成何歲清尊共此時白鷗迴露渚黃蜨颺風枝鑿
智文章酷全生猷畝竝幾知麟閣畫空負鹿門期

野步

柳暗遙連浦，護柔半蘸池。牛眠煙外徑，雀啄雨前枝。谷口誰相憶，河干竟取嗤。田翁邀便住，被肘亦無辭。

季弟沆同赴晉甯

挂席盤江盡，西山一抹橫。風波無定準，星月獨分明。浩蕩憐生事，扶持見汝情。同身寂不語，應恐夜龍驚。

野寺

野寺秋花滿，閒僧不出門。修篁通別徑，流水自前村。淪茗新資潔，焚香丈室溫。未堪畱白首，聊得坐黃昏。

近華浦

此地不來遽九載樓館摧剝不如昔苦旱湖水亦縮減
但欣蘆翠柳仍碧故人厚意不可謝招來早飯烹鮮鯉
望見四山雲氣發金甌亂掣溟濛裏頃刻雨至如傾盆
屋漏無乾難措履行廚撥棄走佛舍僧來款慰言辭美
只道當筵客意索不知秉耒農聲喜垂檐銀溜鳴琅琅
階墀起滅浮漚光此時想見龍公媼張鱗奮鬣空中翔
鑪煙細篆霑微溼花龕幔動涼風入白雞報午一聲已
自理霜毛傷客立寂居半晌得禪喜大勝鳴絃吹管急
請君無更陳壺觴樂過哀來不易當擎舟冒雨早歸去
笠屐東皋看插秧

長風三首

長風動湖水黃鵠起飄飄立秋已昨日歲序逝莫要我
有百廿指難終賴漁樵計更出門去病久筋骸凋默臥
念京師長路漫迢迢尙欣人不忌所志非金貂

細月光隱隱照我敝牀席瘦妻中夜歎十載久爲客未
育一男女聊與慰晨夕更知幾何歲復得同安宅昔日
兩鬢髮今一已見白從此盟匱中何堪照顏色

明日具晨飯盞已無粒米堂上儻復知分責逮諸弟弟
壯各能力茹荼甘如薺時命有利鈍此意久所體遠行
堪代耕私情復何啟獨有涓涓淚沾曾濡若洗

雨宿石板屋

石板房邊路稍平馬頭兀兀溼雲生一街亂滴晚秋雨
黔地果無三日晴近榻著鞍防鼠齧橫窗支枕待雞聲
空房略恃薄薄酒慙媿花豬芥葉烹

孱陵驛渡江

勞筋不厭路程賒州里江干見斗斜閃閃鴉翎拂日萼
蒙蒙馬鬣戴霜花舟人熟視猶知我擔僕孤隨又去家
纔望龍山山畔樹得知何日到京華

過公安用杜少陵曉發公安詩韻

筋力飢驅不畏罷此邦兩載舊棲遲心驚白浪衝城日

影對黃昏飯馬時生死故人同一散蒼茫世事杳誰期
孫黃河外星垂野路漫霜寒信所之

送師荔扉

二月京東正挾繇君行未見桺條鮮沙場煙重駝鳴圓
海浦霜融馬迹圓氣候熟便疏藥裹性靈陶冶在詩篇
呼鷹射虎英雄地消破光陰又一年

同胡時田竇積菴李錫九過法源寺看菊花

蕭寺經年未叩門行來階草露霜根日斜不減看花興
細數西園萬瓦盆

最是秋英工冷淡而今百種競新奇道人不惜莊嚴手

髥竹編闌謹護持

與陳絅齋兄及同鄉諸子話有謂夜漸長不寐獨
宿者因戲爲詩題絅齋臥內

秋風殘葉灑僧房布被從沾九月霜自作小詩消磊塊
還傾薄酒代茶湯身無疾苦卽眞福夢到頻煩多故鄉
他日黃紬能似此戴星先已爲農桑

送徵廬五兄還應州

朱櫻紅藥照杯盤無那西城送馬鞍灑落輕清值梅雨
湖源迴復見桑乾東書莫怨頻煩挾雙鬢能經次第殘

知道神仙學未肯生嘗得訣枉加餐

時頗事修養之術

閭師荔扉遊山海關有懷

右山左海壯坤輿瑞挹

興龍

帝舊居築塞豈悲恬絕脈觀濶竇笑伯拘墟鯢鵬春運
行遵渚虎豹秋閑臥守閭容易疲驢君跨去歸成賦頌
幾篇餘

聞望峯有出塞之役寄此兼呈濟川四兄

太行冰雪晚崢嶸聞道單車更遠征坼地奇塞元別部
連山絕險趙長城白狼竄火時逢獵黃犢棲沙未服耕
賢獨多勞傳自古居人莫漫鬢霜生

送華夔臣兼示殷仲瑚

西過蘭州白露前讀書新得試烹鮮他時人紀君魚政
今日誰知子賤年到值黃河冰既合行看蔥嶺月常懸
殷生好去同無恙慎莫孤情見異遷

戊戌立秋日畱荔扉小飲同次少陵韻

秋氣復歸人暑力不能隔微雨入疏林慰此纖絺客欲
沽酒一斗那惜銅三百知秋更歷幾少焉謝物役

送劉芥畦

古儁四十強而仕今君年正三十九握髮未見一莖雪
失意卽歸恨何有山中白茆補舊屋養親歲時具豚酒

妻操春爨兒紙筆豈謂得天猶不厚明朝相送出西郭
正值涼風落古柳邯鄲南試向西望亂山無數錯跟肘
清漳濁漳次第涉日日斜陽低馬首作詩自弔古戰場
解鞍且就賢親友澤州高據太行脅人物殷繁壯關右
老令城中三載坐深夜閭閻稀吠狗何須不畱飲十日
倒甕傾瓶酌大斗問我邇來復何狀荅言未易舊株守
孰知狂觸尙羸角況肯猛拏聊試手夜深抵足各不寐
仰視素月縈窗牖無須更指息壤盟此志惟君深諒久

送師荔扉用前韻

荔扉長不及六尺胷中雲夢吞八九無心咳唾皆珠玉

才士方今更幾有三年把竿東海上時復來傾燕市酒
一時豪雋交欲徧於中顧我情獨厚今年文戰復塌翼
掉鞭去折章臺柳心倒腸迴不自強肯使傍人暫掣肘
曹騰囊篋盡千金壯浪詩歌溢百首興關自欲之東去
單車徧走別親友八月秋風日以涼直吹君到北平右
塵衣雖覺變緇素豈便入門驚吠狗蕭蕭玉塞南飛燕
蕩蕩金天西揭斗短後復從李廣出太原未效楊雄守
嗟我竟無一物贈但有跼蹐野執手柏悅松茂性不凋
璋判圭合天所曠來時會復取將相此意相期歲月久

送蘇硯北用前韻兼寄彭南池龔簪崖

始逢季子春猶寒倏忽節又屆秋九孤鞍別我南歸去
裘敝黃金盡何有日來我亦窮到骨送行不具一杯酒
侵晨徒步出城待汶汶埃壒堆面厚嗟君踏盡楚黔雪
到家正及河插柳鄉諺三九四九沿河插柳親戚遠近走相視滿堂
笑語接肩肘雖無金印爛懸臂且免霜絲騰上首言采
蘭華竝兄弟時烹瓠葉集賓友佳兒漸次頭角長如竹
森森立左右唯勤馬氏下澤車長放陸家致書狗我期
此樂何日遂歲歲含情望南斗老彭蹈道且孤立小龔
閉關常自守定應惜我強仕宦有如代斲空傷手親占
烏鵲唳茂樹婦歎蠅蛸垂暗牖頻頻送盡歸人歸一寸

中腸斷裂久

題秋崖改吟圖小照

髀子天性生崛奇巨木橫挺千尋枝公輸匠石不可作
誰能執斧以落之行年三十歷百患兀然蹈險常如夷
隨事物來有感觸率胷臆發爲言辭當其執一是獨往
直能倒卻千熊羆騁雄肆快每不擇未免蠲蚘雜蛟螭
自視亦若遺唾耳其如觀者求索疵讀中秘書近三載
天遣文伯爲之師遂令故態倏忽改降心斂氣趨繩規
自云折肱幸知痛及今能不淡求醫遺我百紙館課草
重重塗易何淋漓椎控蟬破月明出薪煨鼎熟牢味滋

別三日當刮目視於子信矣復何疑力變氣質以合道
自此豈獨工文詩老晚歎絕爲吮筆貌其大致存於斯
厚棟任重古所必爲時利賴非子誰五十還知四十九
就中境地無窮期我作詩以章其美他年更當視何其

題師荔扉竚月圖小照

荔扉佇月情貌以老晚筆頗有未到處錢子爲補說是
人如天馬作駒已汗血胡爲祇在野歲視春草發羲和
苦圖睡嶮巖追送日坐令檐晷盡燒燭屢見跋鬱鬱萬
古心偃仰獨一室豈無尊中酒瓶罄轉愁疾長歌浩欲
放安得來明月與影而爲三坐花散綠髮恣體之所適

恣意之所出舉眼四顧中都無一俗物鳴雞忽一叫內
念寢門切詩禮既學乎斂襟去窻窳

送楊固亭

百里巖疆親庶黎武緣地在粵西西桂江進權秋援急
燕市分襟曉雁低日月久經消瘴厲獷狠今盡把鋤犁
鏤鄒高處閒登覽隔萬千山是碧雞

嚴家寨避雨後騎馬先二雲而行戲成二首

長途驟雨解炎蒸體汗全收肺氣凝瓦以爲衣殊不慕
鞍將傍險幸偏能樹搗殘滴兩三點日透重雲千百層
勤著一鞭應早到遲君夜飯翦明燈

金匱遺集 卷二
遂平尙隔日西落策策晚林陰有聲雨過苦遭行潦阻
暗中時借電光行後車入險必輸載前騎絳株幾絕纓
自笑書生例強很忍飢嘲弄再詩成

出新驛路舊由禹州己丑會試往由之茲由許州
得所未經也

新鄭城南接禹州鄉關驛路昔曾由茲叨入桂林中使
要極九疑山外游襄野未迷雲冉冉許昌漸見黍油油
領新誰禁遏思故願得持書報舊邱

南行

南程六月別京畿樗蔕槐英相竝飛報國文章思古處

幾行詩句獨新機五雲回首猶瞻闕八桂怡心得駐驂
夾路絕憐禾稼好迎將微雨上征衣

避熱

避熱聊堪趁夜行中山城郭尙三更殘泥地上不全溼
半月雲閒微白明絕媿僮奴俱飽飯溪憑輿馬認前程
絺衣覺有曉風入方順橋頭雞數聲

將至大荆驛口占贈二雲

泥雨同愁楚塞長歸身定泛北流湘悵舒九面望衡眼
輕挈千金使粵裝朱橘滿洲凝夕露丹楓夾岸染朝霜
詩情移向秋聲裏重把寒尊上岳陽

渡河

來往今經七渡河肩輿犯曉入洪波堯鄉已奠三州患
堯豫揚漢曲應賡萬福歌綠樹霜前猶斐亶平沙風過忽
陂陀從行大有瀟湘雁相逐南征次第過

題法時帆太史溪橋詩思圖

一溪流水春雲外趁月何人夜讀書聽鼓北樓天浩浩
看花南陌雨疏疏舊江溪悔漁竿棄新竹纔看病葉除
雖是畫圖見真樂先生休笑我非魚

寄家望峯

望峯先生五十三九月一日初得男重陽報我一書札

要速送喜回滇南高堂老母髮垂素諸孫繞膝繁如蠶
獨憐伯也爲貧仕遠求祿入供溫甘竝使舉室足食藿
暇顧中閨悲采藍前年因緣得載送已愁時過將無堪
今知蘭徵自賤姑中心永可釋憂悵我與先生嗟同病
職養不能躬負擔長技只挾一書束覲顏萬里隨朝參
前年被水家蕩析取急歸視初營菴就中一索幸得震
近聞學語已誦誦旦夕老親愛惜極更相抱負飴同含
無災無難雖竊禱內顧德薄終自慙又況隔遠見無日
螺羸教誨屬空談先生風規士所仰先生利濟民咸諳
萬閒廣廈立實實千尋雲壁光潭潭以茲燕翼夫何有

佇見庭戲騎篠驂讀書識字勉仁義後大無俟筮策探
太行極望不可見霜菊庭際霏鬢鬢傾壺聊爲盡一斗
以當接席同欣酣

望峯生子不育作此慰之

昔者地下有靈龜不與人事淡藏六無端被瀆失子淚
爲人款天問嗣續多子不虞賞過厚無子豈竟罰莫贖
已知賞罰兩不關人各任運爲遲速兒生不育恆事耳
孰謂鍾情獨吾屬他日終見鳳將雛垂老還妨牛舐犢
石在岱嶽自蒸雲土是崑邱恆產玉捐煩驅悶要在果
迎刃直前勢破竹況君道心久芽長豈有疾首如柴束

後邨先生時客我最於此患更之熟到今維摩丈室裏
奔敗無數修羅哭我從問訊略肯道心定無物足榮辱
敢復擷拾爲君述正似寒綈贈相祿陰翕陽開往而復
鼓扇洪鑪鑄萬族膂力方剛各未老有爲那懼日月促
賈經折閱不去市農數凶荒肯藝穀一塵湫隘日中啟
雙犢疲羸春際撲從來物理豈易哉更有一言聊采錄
渡口迎桃能數往夢中與蘭甯一足尺筆操出驅害馬
大弔彎來射志鵠言龐語雜情可見算詫庸音僅足曲
更煩閱過仍緘取待驗兒生與眾讀

將赴湖南敬亭宗室畱飲四松草堂哲昆懋齋族

兄鎮國將軍嵩山同集

又得衡湘三載游南雲無盡引行輶王孫

敬亭昆弟英王房嵩山禮

房好客同青眼祖席吟詩半黑頭晦蕙聊思爲

國樹陌花未敢爲身謀

敬亭語予迎家事

翦鐙願與酣今夕度

盡西堂蟋蟀秋

一宿遂平寄懷二雲

地經三宿豈忘情伏枕窗雞正亂鳴候雜秋冬霜未苦
境交申許路仍平酬恩萬一知何日失學空疏已半生
可得頻呼將伯助風流如在桂林城

立春日卽席呈諸幕友

陽春今又到湖山合罄杯觴發旅顏後雪仍居前雪上
東風微動北風閒喜聞鰕菜無多直知道牛犁不久閒
賸有咏歌屬吾輩莫驚物候憶鄉關

泛湖

岳陽城下鼓蘭橈路轉君山去復遙水落沙洲相次長
冬淡木葉未全凋客懷曠世徒悲屈

帝運中天久格苗長鱷巨鯨俱穩睡不憑風浪惱漁樵
湖上

湖上秋風秋月高陽侯欲上試波濤半尊濁酒禁清夜
八月新寒滿舊袍聞海征師煩一旅荆河饒道續千艘

慚叨參養空增歲宵旰甯分

聖主勞

九日苦麓

雨歇江平政亦閑相尋故事一登山紅萸黃菊有淡味
碧嶂丹崖俱淨顏北海碑看落照裏南軒座接清風閒
歸歟且住窮幽興細數林鴉幾隊還

善化奴生日

受孕後得兆云榴花
時節生因有落句

憐汝出微無外家見余雙鬢已增華只煩一索得雖易
其念百年生靡涯計日歸娛王父母成丁力藝舊桑麻
今朝湯餅潭州舍記取石榴將作花

送張華平還來安

湖外歸人雨一自西來興盡若爲畱三湘清氣衣襟染
八桂餘芬簡筆收尙憶草麻榮賜燭行看拾穗老披裘
送君無似城隅水隨入長江東下流

六月十一身至津市喜聞初四日第二子生

三年復得住湘湖汝適來爲第二雛澧水傳書剛放艇
麓雲映戶兩懸弧故園今歲歸心切季父重泉盼眼枯
好待秋涼逐兄去燕甯堂後泣呱呱

友人生子用寄望峯韻志喜

我昨生兒四十七君今生兒四十六與君俱愧爲人子

敢爲一身謀嗣續惟不孝三無後大絕先祖祀罪莫贖
妻歿買婢我不緩妻病置妾君合速多備何患古良語
人種定知於誰屬我兒今年幸周歲匍匐走地學黃犢
想見若兒香棚中雙瞳漆點犀峙玉明年便與我兒似
轉瞬森然見立竹蕭條敝篋有底物舊挾入都書一束
亟將料理置几案三五歲漸課使熟他日能磨破硯出
誰家鬼更餒而哭不然夏畦亦復可牛醫馬磨俱無辱
但恐傾巧逐利便解盜虛名竊厚祿使人指笑某之子
一跌或致殃及族君聞此說應大笑過慮母乃太局促
螟蛉蜾蠃視尙似教誨豈難期式穀早奪母懷置師側

不率但有加鞭撲不似江左管夷吾空言誑婦無足錄
此生況無辱先事戰戰各待啟手足此意思與對面語
恨身不解騎黃鵠一杯遙舉聊爲賀自飲一杯歌此曲
且毋舉令眾人見待兒長成頻使讀

楚南藩伯壽言

楚南藩伯有生日行年七十人始知去年已及六十九
間人問訊輒攢眉意中甚謂生有忝自咎不暇何賀爲
噫嘻古人我不見見今人如公者誰忠厚周慎率自性
一生口不人瑕疵自從典郡及茲日矜恤無告如己兒
今年蓄意求休退

金匱要略卷之二
皇穹默鑒曰何居汝外均平內潔白佐

聖主奉三無私召伯棠陰在汝境

據寶慶志

近三千歲汝其

追

天意冥冥我敢料料以民欲必從之

國家昌則大臣壽看公黃耆躋期頤歲歲五月初一日
榴英飄苑荷發池長安小兒樂無事拍手齊聲歌此詩

夜泊

篷背風欹夜泊遲暗鐙虛照鬢如絲生平夜雨聽多少
江闊春寒正此時

題袁十三蘇亭春雲歸岫圖

蘇亭心擬泰山雲觸石起不崇朝雨一官匏繫枹罕陬
丞哉丞哉實負子幾時養具鼎與烹不如南山歸舊畊
唐園實菜豈足恥白華潔白詩可笙是圖寫作雲歸岫
老畹名毓蘭
昆明人老去筆猶秀我爲作歌書其後蒼生待爾
何時又

題白畫馬寄師三荔扉

高秋風急塞天遙落日平雲好射雕獨向玉門關外望
可兒千載一班超

六河歌爲陳雲巖觀察作

六河盤龍金汁銀
汁寶象馬料海源

昆明水利惟六河盤龍來源獨逶迤松華壩始分金汁

載行高地沿陂陀竝收眾壑濟農畝滿虞隄壞爲閘多
元咸陽王所規畫委曲盡善無差譌上二閘竝曰韓冕
注盤龍若江之沱三元石閘下醺二明通總匯三橋過
委而不治歲已幾地利若可無人和盤龍流下螭蟹石
普潤橋束纖洪波夾岸民與水爭地築屋鋤石當盤渦
雙龍橋北分一帶又分派若絲五紵漲去泥沙不隨去
積成灘渾平復頗橋南經流總直下力與海濤相盪摩
羣呬逞黠擁爲利乘春築壩夸還碓要遮新漲使橫散
去清畱濁誰禁訶夏漲踵至壩雖倒明年又築人則那
故智得自齊小白塞河罪首從無科能令田從海底湧

初蒔萸稗終登禾小舫輕駕出入可商船笑爾來蹉跎
舍我其誰爲撥淺金錢取足聊無他明通全受金汁委
尾大本不煩披剗中閒柰可金陵閘斗落逾馬疾注坡
十字架使橫過上葫蘆口遂成積疴盤龍腸漚此噎膈
安得良醫機與陀可憐偶值歲多雨上游輒疑天薦瘥
廬塌竈陷足蛙黽防穿陂潰非蛟鼉我歸於茲僅四夏
伏居一室悲蓼莪可堪兩度頻嬰此四鄰老幼同滂沱
海甯陳公世所仰生平遇事慚嬖嬰

天命得爲水官伯志與黔黎蠲百苛口資心畫圖與說
奚啻一日三摩挲北原南委躬相度不于露蘚穿煙莎

出坎要仗識途馬求泉能使知風駝市人野老得與語
立風裂枝泥沒韉計定具情上請帑雖善射必先修濬
誠至自古無不動輪斲豈使持空柯從官屬吏悉才雋
被服緋碧垂青綯分工畫段各有所聞雞熟寐能無譌
斯人間風亦趨至鋤操栗柄箕纏蘿心齊力並勢復得
如麾倂子各行儼剗沙捲礫旦復暮淨盡肯使畱么麼
就中三興三人名尤振奮中懇懇外姿番番讀書識義豈
曾有家世祇各披農蓑士人對之或愧色自憐帶博冠
空裁補殘易舊伐萬石度量亦復掘臼窠葫蘆積患豁
已啟盤龍患更消於俄玉帶眾尾無不理迢迢就下如

紳拖東邨遺客年近百來觀霜鬢何鬢髭自謂後身永
跼蹐甯知緩外還婆娑畦涼幾嫠拾秉穗渚暖羣孱收
蟀螺重船百斛來且往重看依舊輕於梭由來剝復乃
常道無人回幹當如何持測巨海難以蠡旱年致雨甯
白鵝況若應龍梁欲抗作柱乃是秋池荷陳公比者樹
殊績庚呼遠應西迴戈雪山萬仞人到幾瞻從面起白
瑤瑤麾擔率負登且頓短衣竟日乘疲騾歸席未暖
天寵至孔翎

賜戴封黃羅此皆志至氣亦至移山原匪資夸娥餘四
河且待冬舉蠶未畢繭羞化蛾沈瀟災澹今紀德業業

穹碣工新磨不知雄筆出誰手作書倒籀卷身蜩樹之
河堧告後世千秋曩曩靈黿馱願公旌節無別徒視公
赤芾黃髮皤搖豪自怪辭羅縷人知身受情非阿淡惜
不日擔簦去時將北上徒付邦人歌此歌

出霑益

去年苦水今苦旱十月麥猶一寸短板橋驛到交水驛
一例無霜氣和暖今朝初日曛隴開簇簇馬蹏翻赤埃
忽然雲霧塞前嶺浙浙北風吹雨來雨來滋麥兼滋豆
但願縣縣不願驟千里同沾半犁透明年不慮春農瘞
樂鄉關示竇生仰修

我之樂鄉關時正值秋九重九後八日霜新未瘁柳同
行得竇生詩才近無偶觸境必有作琅琅盡瑤玖因念
陳拾遺經茲歲已久一篇四十字常在後人口川原自
可得道路足隨取溪山野成中日暮猿蹏有一鬻知鼎
味高名宜不朽柰其趨向殊徒貽士林醜嗚呼士有志
矧生往哲後大節一不立殊才祇自垢論詩但以詩杜
韓合俯首頌周而黜唐其顏何孔厚雖無良史筆邪正
終必剖懿哉漁洋老謂假貪令手蘋藻神足羞珪璋天
所賜欲以肥厥身嗟嗟詎可狃生謂我云是浩歌激林
藪起視月出東呼奴更市酒

錢南園先生詩補遺卷三

昆明 錢灋 東注

遊緱氏山王子晉祠

嵩高勢欲盡一峰忽乳凸南面羅眾山合沓互盤鬱平
谷恣軒廠絕巘倚森削春還草未青雲霞繚出沒王子
昇仙處遺蹤尙彷彿歇馬登高臺清風飄我髮緬昔周
下堂天祚未嘗絕頤王自神靈詎蹈幽厲轍太子國之
貳修省繼先哲青宮乃不處浮邱定何物是時聃將退
西域亦生佛大道微尼山人倫禍實烈休哉保傳尊訓
諭寄三撻伊人水一方蒼蒼葭露闊吾聞遺世士一舉

錢南園遺集

卷三

詩補遺

如蟬蛻誰復繫世情依舊問家室
翩躚鶴背笙縹緲吹涼月山頭一舉手
乃作千年別武曌禍巨唐神人所共疾
五郎彼狡童優孟敢唐突容冶別誨淫
灰囊故畱迹紛綸穢官姓錯雜尙豐碣
白日流前楹曲廊度清樾循級層階盡
轉步歸亭得

天章煥雲漢肅仰

聖襟豁外辭曰彼哉訓之以不屑萬流
悉趨海羣動咸依日微語判聖狂千秋
仰治術茲遊得未擬茲意敢申說神仙
多護短得毋厭煩聒

遊蘭臺後復登陽春臺歸

客楚雖落拓還親風雅地僻陋如公安少陵夙所憩
揭來北逾江廣漢亦東濟匹馬獨入郢此邦殊佳麗
裘敝主人識吾聊一挂轡勝迹恣追討遺文記未墜
茲臺尤莽莽川原盡掌內萬屋蒼煙冷平蕪且無際
回首千疊山勝國陵寢廢渺哉江流水悉與盛衰事
詞客獨畱名不隨物俱逝主文而譎諫因事託諷刺
本自愛君誠如灑憂國淚當年和已寡後者復誰繼
吾生不逮古心知古人意無病不須呻適情賴

聖世江干數椽屋歸眠且謀醉悵然懷莫愁風竹颯寒
翠

虎渡口

虎渡度江春浪起中有昆明池中水掬江飲水不辨味
北來已是六千里雲低西日注江紅岸闊天垂江自東
江豚拍拍亂吹浪知道夜來還大風

王二兆安說榮鞏一路梨花盛開

暗塵兼暮雪對酒愁欲絕君從榮鞏來已見梨花開天
生梨花亦幻哉糝雪兼香裁作堆況說千株細柳葉逐
處隨花相映偎成皋虎牢天下壯濁河破地蹙陰浪古
來無盡英雄骨磨蕩成塵疊作嶂君知春色今偏早昇
平日人物情暢祇有羈人猶似舊看花淚易溼襟袖前

日郢州元佑宮嘆絕寒梅一枝瘦煩君勸我酒我亦勸
君酒他鄉不似故鄉春況復花新人老醜迢遞卽山去
路斜來朝瘦馬踏春沙莫將露溼煙輕意獨與伶俜照
鬢華

涿州道中

昨日出

都門

宮樹微微雪南行百餘里氣候何殊絕張鎰具馬催夙
興上馬出門風滅鎰馬不良乘舍而步涉足滑澁艱層
冰攬衣杖策身防顛朽株暗絰落吾冠積陰忽破月痕

窈月中仰見青青天此時地上非人間星源西極崑崙
山夾徑瓊林立總總迴橋玉醴鳴潺潺通衢彌望如連
璐生無仙緣那得度羸馱化作玉花虬帖巨翩翩工緩
步一鞍且復據雙轡無煩馭游目皆得新觀身甯是故
笑絕昌黎辭太夸李叢云到玉皇家坡翁齟齬亦可鄙
祇知踏雪看梅花行行忘卻途淺淺人家寂靜無雞犬
祇有鍾從雲外生漸看星向林邊轉茲緣奇絕荷天翁
淡信吾生遇未窮錦衾繡幕膝抵頷多少寒侵夢寐中

渡河

冥漠千林雨車驅渡大河蛟龍橫平地忠信入洪波失

意年來慣還鄉路正多天風忽借力吾意定云何

蘭臺

喜問蘭臺路寂寥非楚宮君王雄遽已之子賦原工漢
水兼霜闊荆門隱霧空幽懷傾不盡襟袖滿雌風

過王輔嗣墓

輔嗣昔談易高言迴不羣黃門抱遺恨白草竟空墳余
亦名爲役年來咎孔殷相看何所道去去白邱雲

晚發常德

夕陽逆浪一身孤半挂風帆數幅蒲客湖溪連施秉縣
水兼霜入洞庭湖熟炊玉笋魚肪白滿送香醪橘顆朱

三百六十灘漸險醉來支枕意荒蕪

元佑宮

故府承天後元都復壯哉周垣橫郭出崇闕帶江開配
極尊無上觀書象畢該陰陽通闢闔日月順昭回帝座
瑤階引仙車繡蓋來洪鐘聲九地歸案列三才碧瓦霞
閒裏丹梯霧際迴池閒任龜鶴壇肅擁風雷寶篆輝庭
樹靈沙動井苔十年經費久五祀奉誠纔往者還雲蹕
休茲薦羽輿威儀千騎從趨走百神陪永保山陵固咸
消眾庶災元精媾龍虎大藥啟蓬萊烏兔時頻入冠裳
意妙裁終應信徐市何遂悔輪臺巨鼎殘秋瀝飛樓度

劫災銘仍金籀倒柱或玉蚪摧紫籙沈中殿青詞冷上
台更堪興嘆處石馬亦黃埃

鎮遠除夕呈力堂二兄

水宿常餐霧樓居尙倚河一年今夕盡杯酒舊顏酡絕
壁寒畱日長橋冷漱波泉垂冬不斷煙互晚逾多處處
催盤饌家家問綺羅猺歸擔割豕估宴把浮螺竈妾花
爲鈿閨娃繡作鞦韆門排松比壽室爆竹行儺風俗於鄉
似庭闈祇夢過入春溪鹵莽半世已蹉跎素髮難塗飾
空囊倦撫摩不存劉向枕誰駐魯陽戈路盡板橋驛險
從相見坡縮難期費氏移孰假夸娥鞍馬縈新慮衾裯

擁夙痾案鐙孤蕊落山火眾星羅街鼓連軍鼓夷歌雜
楚歌各教歡樂極無負歲時和牆鼠窺將下簷烏尾數
譌吾兄能不意但飲入無何

望偃師

何處是偃師寒樹蒼欲晚空攜雙袖淚下盡北邙阪

暮歸

石城門外路西斜偏臘江梅未作花客向莫愁村裏去
黃昏寒日滿平沙

百丈喧江挽力齊身行苦被眾灘稽安能借汝南風便
早晚襄陽聽大隄

寒竹蕭蕭風滿林
紙窗茅屋柰冬心
濃霜一夜衾如水
子細休從鬢裏侵

寄陳再鴻

盤龍江上野風秋
黃葉飛翻映白頭
不爲虞卿書未著
天公不易與窮愁

滇南勝境坊

春山稠疊眼迷茫
未到家時已到鄉
解帶石蚪亭畔坐
別來堦樹幾枝長

以斑竹杖奉王岷軒歸爲節母歐陽太孺人壽作

歌

戊申
七月

斑竹生於君山湖上之青峯高潔無物堪比輓古來唯
有伊耆帝二女神靈彷彿常相從洞庭廣兮八百里波
濤淡漱無春冬有時帝軒轅來夏祝融鏘磬鍾泠倫十
二管和鳴比鳳雛歲久或泐請更製帝曰其可精銅鎔
不然仍往截嶰谷此宜愛護加倍壅山祇水伯受命不
敢慵到今四千二百八十有餘載新柯舊葉何蔥龍猗
余亦何幸一航適與逢精心致禱乞一束兩莖爲我父
母扶老供或云梓潼江心桃竹如紫玉又言西極藤杖
長鬢拔赤龍襄陽南陽兩老子夸奇飾麗張詞鋒無徵
不信豈比此摩天巨筆空橫縱我友王岷軒奉身嚴且

恭同遊五六載愛我真率容今將歸爲老母壽挂帆凌
突秋芙蓉家有一株樹是曾王母廿餘載堅操淑德之
所鍾其下同根柢上交枝葉青翠重再世嗣音在老母
節享匪一柏舟共服田不忘有黍稷皇天意豈私一農
勤厥修必食美報歡雖未薦孚若禹八月金粟黃天香
亦何濃躋堂再拜奉觴壽賓親宗黨來肅雍泰和之姚
南匯吳於今海內爲詞宗紀徽述德意不盡薄劣如我
復何庸就我庋閣開我緘封餘此一莖珎文琉璃色拜
跪奉寄申情悰匪惟少效扶持力庶與德之清高正固
相形容君山青兮湖水白送君千里兮雲溶溶相看膝

下身誰慙後凋松

石燕

石燕甚么麼楚童閒取攜蛤完微陷背菱槁半沾泥荒
野春同蟄誰家幕與栖號空生噫氣汝起翼飛齊

桺江

桺江漲不已雲雨又崇朝赴壑波旋面蟠隄樹沒胥舟
航徒致力竹石轉無聊幸得芳醪醉狂吟耐此宵

洞庭阻淺示舟子

丁未十一月八日

岳陽三日西北風碎雪挾勢翻窗蓬高桅冰膠挽不得
長年縮手誰鳴功昨朝東風倏轉旆火急揚帆入布袋

布袋口在巴陵三十里至斗口洞庭水落分爲東西二冬三月西如常漕要道湖斗口納西水東下勢

如建瓴故俗如抵觸藩不能遂亦不能退是日乘風而名之曰斗口西凡數百身

聚此極難轉掣竭誠拜跪禱湖神湖神愁絕力難伸眼看南風

卷水去湖底垠塢盡豁露幸閣平地幾人身但爲欲炊

無米愁幾人號哭身破損縱然炊熟難入喉使者命窮

多致災慚負汝曹隨我來風回水長定何日虛意忍飢

將權回已擬回由湘陰一路幸餘一說聊命筆民是天民天自恤

我與汝曹具一民且共攢眉待明日

卽席次王蓬心太守韻送玉樵運使之任二首

祥刑舊績紀秋曹鹽筴專司

命再叨湘水衡雲悽遠別疲商羸戶喜新遭嘯歌不閒
雙飛旆圖史兼容一小舫知到津門事多少切膚疴瘡
要爬搔

背飛日見舊朋曹五載余以癸卯歲冬至此茲畱媿獨叨分陝兼

權

新寵至秦芝軒方伯司空歷佐晚榮遭李杏浦少馬不

堪樵李餘阡草陸朗夫撫軍喜說餘杭遇客舫姚雪門

關玉樵長嗣奉

國各拌強健在臨歧雙鬢未須搔

送殷勛亭

又逐西風去西風吹縕袍虎狼秦塞遠鳥鼠渭源高客
不悲殘炙書曾問大刀寒花吾自把酌汝一蕭騷

過公安贈武愚溪明府

三宿猶生戀況經居一年蛇灣霜聳馬虎渡月迴船客
意豈復壯主情俱自賢夕陽爲此別賓從亦漕然

月餅詩應湛弇廉使

五十二年秋八月十五夕月升湘江長沙萬戶設庶品
禮夜明神申厚缸瓜餅藕潔棗栗實就中餅味尤無雙
造作古籍未傳法後來遞上誰能降三材取具油糖麪
扁落芳潔堆餅缸水淩成模入火炙鐵鑪揚炭時錚鏦

和酥餡菓更奇絕列肆錯雜魚豆椿是夕人家無老少
邀神福惠同紛隴已號中庭淨掃地旋呼東舍高拓窗
須叟爆竹喧厖起又值夜鐘初一撞朱樓虛敞爭徹檠
綠戶窈窕微然釭肆筵暢懷對素魄高唱隨意發新腔
最憐曲港蔽叢樹一杯仰把還移艤湛弇廉使好事者
自恃詞瀾比飛瀧索客賦餅六十句律嚴韻窄人俱懣
此體無論山東李杜老晚筆猶難扛越日語我辭豈敢
幸許變陣移麾幢怯膽果然一變勇要學都盧飛緣橦
重九劉郎慎糕字笑爾真如邾莒邦斯人嗜欲日旣啟
飲啖豈必還敦龐餠餌粉醅亦已古牢凡賦出詞璫璫

紅綾分喫到進士身齒殘落氣還龐而況祀神報明德
不極馨美母乃憇放筆不覺一大笑起窺殘影驚吠老
闌干北斗尙西揭嶽麓隔岸寒崆峒再華老桂微露泣
點滴階砌溼蘭茝年年喫餅不知愧幾曾隴畝勤耕耒
願將原唱寫示我細讀得慰心慳慳由來空谷鼯鼯徑
最喜人足來音聳莫學韓子困張籍只知卷旆束空杠
廉使以其幕友某賦此題排律押三江三十韻者詫於
先生且邀先生作先生變體應之屢索原唱而原唱卒
不至乙丑
冬雨春誌

退朝

宮瓦晴薰散瑞煙退朝林雪故依然綵牋墨漾春題滿

碧酒香殘醉帽偏昨夜夢遊鸚鵡觀

去敝宅十五里新開門望見其山

流歸弄鷺鷥田

敝宅前半里許

囊中賸有東方米何似鄉園在

眼前

送尙賓用軒東還待舉用舊詩韻

去年一身送別時春帆隨湘面衡九臘月今年朗江別
暗春已欲發眾有雪尙多連蓋畦麥風須少待溢槽酒
一身隨流蹙淩去緼袍擁如狐貉厚人生自爲榮名中
日似飢駝翹細柳壯心有時兩相喻車上無言接踵肘
一朝時會豈易量坐令豪兒齊俛首操弦常自鄙摩詰
賣履甯終沒季友呦呦鹿鳴食野苹看君同出羣賓右

井泉欲汲且見泥馬價將知先問狗一第溷子詎足喜
丈夫何必不台斗短蓬寒臥三千路誰是雄才暫雌守
殘卷方掩已握筆朝風冽冽念龜手厚積其力以待發
不媿徹桑謀戶牖一杯更進復何道此事余心默卜久
宿正定同陳綱齋楊雲超施邃園

長路衝炎倦馬過各稱無計柰愁何重聞

雲超邃園俱再上

趙

女新聲改三見

綱齋三上

燕臺滯客多雲變半陰暗恆嶽塵

騰十丈走滹沱憐余恃有昆湖夢夜夜先還理釣蓑

送徵廬

君車西指太行山憑仗春觴解別顏莫愛盤旋尋李愿

高厓巨壁亦人閒

公安聽歌同許尉

鴉髻雙盤白玉搔
龍香亂撥紫檀槽
當筵一曲人俱靜
索寞江雲繞樹高

天涯旅思怯秋沈
明燭芳尊此夜心
怪絕五官多鹵莽
尺牋容易謝繁欽

鹿角西阻風

洞庭湖中千萬艘
顛風於我豈獨遭
省惜民力故至此
誰將性命輕鴻毛

端陽插艾瓶中所餘數莖
以其有根蒔之隙地八

月將盡忽綴蓓蕾蓋菊也感而作詩

穉菊生艾中莖葉無大異中路遭拔損慘慘無生意偶
憐遺存活非關故栽植秋日乃獨芳亭亭盛敷翠已作
一雙蕊靜與枯石媚始知含德者英華無終閼咫尺羣
木零寒匏唯汝對施約獲報豐撫情良自愧夙聞艾盈
腰不復佩幽蘭豈不悲棄置終然保天全汝生亦何爲
相與根株連暫同邀顧盼摧殘委道邊幸而晚節明騰
英輝我園其他可勝料感嘆心鬱然物生自有美忌處
似是閒不然甯杜機沒稱以終年

宿衡山祝聖寺

齋心已昨日捨身借輿馬敬禮祝融君地主館先假春
霖初得霽峰日不厭寡徑水亂終橫喧豷各就下遙瞻
祝聖寺新苔上古瓦森然引路松識我舊來者秀公塵
乍接福公袖乍把未脫文字緣揮墨漫一灑昨在郡城贈福公有
詩竹風傍枕鳴桂露低檐瀉淨境不常住含情坐鐙地

恭和

御製鐵券歌元韻

千年臨安捍海塘賜券亦與久畱藏異人閒出爲民巨
心所能及力能將自古豈有射潮法竟爭水地還之唐
而況么麼如昌輩亦敢盜弄恣昏狂披兇盪穢受上賞

五王三世傳餘杭歷宋元明及

昭代子孫世守澤何長

六飛南幸經進

覽

賜詩賜匾誠勿念惟臣陳羣暨臣選誇示榮異於四方
詩家拜手競賡和要軼高劉躡宋王天目之山茗之水
匪忠匪孝孰爲良臣禮晚進自邊徼寒陋其敢攀芬薌
挂名簡末竊所幸仰瞻雲漢昭回光

題柏馬圖

百園老柏一匹馬問君畫此何爲者不嘶不動馬如龍

翕綈星尾搖風鬢柏根非石柯非銅天生木強盤虛空
此柏住世幾歲月是否周時漢時物華陰廟裏曾見之
比似輪囷更奇崛此馬不是渥洼馬或者滇池與果下
世間何處無瑰奇按圖而索甯非假畫馬欲得馬性情
畫柏便似蒼虬精權奇蹙縮志超忽蠕蠕膠轕氣鬱律
其古在骨駿在神柏可以悅馬可馴馴之悅之難其人
各適其適還其真柏可生肘馬喻指豈論山閒與平地
韓蘇瞽舛眊復巨齊與不齊皆物理固哉公孫子龍莊
周子

題楊畹亭幻中幻圖

不見老畹久畫中忽遇之強自目爲幻中幻何曾改易
眞鬢眉請下一轉語誰是空是色體寒要著衣腹飢要
進食哀樂喜怒富貴貧賤無可執卽此是化身千億我
前嘗念車遙遙卽今馳逐未同鑣他時終歸食破硯與
子同此固窮面請去閒閒與見見

半閨遇雪

我行倏已過南陽衝冒北風投半閨霏霏細雪傍晚下
逆旅寄止一室狹回視門外將鋪徧重重相受何浹洽
起挈碧壺過鄰舍買酒聊用解疲乏歸來履迹遽填滿
積至盈尺纔半雲負牆小樹枯未久難勝重戴頭低壓

此邦穀不種秔稻亥月二麥將解甲歲中儻不見三白
編戶何以安農業念此心喜憶明歲四月篝車連道夾
猶多遺穗及流者攜拾盈枉帶閒扳啾啾凍雀先我睡
亦覺衣單久坐怯竟欲解佩俯昵枕杯有餘瀝復一呷
孤鐙燼滅室更朗夢破輾轉難貼脇不惜毛縮有牛馬
翻恐聲亂足鵝鴨攪我通夜不復寐寸腸豈柰百憂狎
布被稜生強復忍以作詩代安心法

宿瓦店驛

此地經三宿今宵惟影俱驛更無定準宵霧太模糊節
謁青陽逼程愁白水紆寒鐙看我馬驚動夜棲烏

中秋同許尉芬自飲

楚澤中秋節君經十一過判除風雨夜色幾時多
是月無眼老猶供讀官閒足放歌媿吾須仗酒離思擾如何
宿遂平次楮筠心前輩韻四首之二

銜命馳驅使逢迎到處佳此區誰樹築幽事滿堂階竹
石目成趣圖書心所諧主人不相識懸擬亦吾儕
昨行澤潦裏馬背屢當身果致後車覆遂淹今日畱新
吟踵前輩小酌共良儔未識城南路勞人行幾週

宿荊州沙市

斜日還沙市扁舟自在行城高烏尾亂江迴雁行清楓

葉晴翻影蘆花暮有聲水鄉原可樂其柰旅人情

贈王際之

衣杉猶自著京塵又坐青氊守故貧蘇氏文章惟學父
王門龍虎不猶人得錢也自沽清酒有句何妨付上春
那復暇求鄉曲譽嗣宗白眼亦天真

北齊後主

齊唱無愁晝漫消琵琶一曲手新調可知明徹重收地
復使婁謙竟入朝運去盲人能妬月降來樊犬不嗔堯
魂歸何處龜茲土淚掩三宮賣燭條

贈江南王莘菴

翩翩逸氣大家風遠客天涯興未窮故以文章豪白下
不誇龍虎擅江東詩情笑寄猗花外鄉夢愁歸瘴雨中
一見可憐如舊識此心爲問幾人同

都中聞莘菴南回

聞君消息脫私憂幾日歸程達泗州鶴背仙人終出劫
河中清濟豈同流蘭陔潔膳輕三鼎蒲扇當風傲五侯
萬里如勞知己問長安蕭寺古梧秋

曲江作

盤磴穿林半日程曲江壩裏眼雙明路客竝馬山形衍
橋壓潛蛟水氣清平地千家種甘蔗高田六月刈香秔

前途更說今宵好白酒紅裙館驛城

蟒蛇河天生橋

水穿石澗隔龍嵒誰謂巉巖有路通
浪捲雪花輕濺雨橋埋雲樹暗垂虹
尋陽問道由茲險落朗陳兵恃此雄
雙鎖巨巒高萬丈草遮回磴暮煙中

艾叔九先生東川客歿

曙星歷落沒秋河天際哀鴻昨夜多
恰對西風傾白酒驚聞別客歿烏羅
文之致用乃如此命不及人嗟柰何
更是蠻方歸櫬路層冰八月已嵯峨

咏秋海棠同荔扉

生來柔弱廁花班
翻是春心不柰閑
一片冷霞朝破碎
千絲紅雨暮闌珊
無香也合貯金屋
未醒可憐如玉環
切莫眞教作仙
去年年韻事與人閒

移居龍泉寺

生前瓶盞老枯僧
欲畧雖離半未能
誤作宰官終不稱
佛堂還與伴秋鐙

阿姑祠

阿姑故元梁王女嫁段平章者祠其盡節處

梁王山色晚煙生
鴉不啼時月更明
一夜風吹西寺塔
霜空不斷響鈴聲

過金鐘寺有懷萬荔村

萬里西風吹敝裘
臨岐無酒淚空流
瀟湘路隔音書斷
桐葉蕭蕭滿院秋

自題守株圖

吾生匪無涯
隨地宜有處
藐此七尺軀
萬缺未寸補
而復多越思
如疋學暴虎
黃鳥定何物
絲蠻識止所

食味三十年
齋荼歷已萬
洪流赴鼠吻
腸溢復何願
貂錦日以親
褐麻日以遠
青青中途蘭
摧傷復誰怨

生平最昵子
娟娟冰雪姿
持囊貯芳露
朝來餉我飢
笑指赴壑泉
中有石離離
無與固其根
千秋終見移

故株可以守
胡逾半步地
豈曰無少欲
終然絕機事
大

椿及朝菌造物同一制順生以爲常儻來適所寄

再題守株圖

曼睩倚市門笑煞斯飢女舜華被朝露幽蘭色似土人
閒醜類不相一各求所欲在工術坐守窮山自失時義
和轉車逾駟疾誰家年少獵平原彎弧躍馬如風翻俯
身乍覩下西阪倏忽得雉趨東屯竝驅捐我誇儂好多
力仍兼善用巧縱然蹶失多損傷旣得歡娛亦易飽山
中憔悴柰若何蕭蕭落木已辭柯短髮如蓬映白石日
暮天寒風爲多

右五詩馬雨農學士自京師錄寄先生曾書此作長

幅而未以入集其圖已無傳不知作於何時以詩意求之大抵述盡已無求之旨疑先生少貧二十九歲領鄉薦貧益甚作此圖以寄意其第二章所云食味三十年蓋初赴禮部試罷歸時作也其再題守株圖則先生自湖南奉諱歸爲中丞浦公所傾此其服闋將入都作也以詩意有所譏諷不欲署名故此幅中於後一詩署名杜若有小印曰知我略示微意戴雲帆先生一跋已論及之爲先生自作無疑因并錄之卷末而志其略如此後學劉峴謹識